



ياسر عيد

حلم في تابوت

أشعار عامة

الطبعة الأولى 2017

بطاقة الكتاب

عنوان المؤلف : حلم في تابوت
المؤلف : ياسر عيد
التصنيف : أشعار
رقم الإيداع : 2017 - 26173
عدد الصفحات : 132
رقم الإصدار الداخلي : 90
تاريخ الإصدار الداخلي : 2017 -12

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 2017 / 13242 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - تليفاكس: 020554372901

[alnilwaalfourat](http://alnilwaalfourat.com) alnilwaalfourat@gmail.com

المنزل الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ13 - عقار 304

شكر وتقدير

أتقدم بخالص الشكر والتقدير لكل من وقف بجانبى وقدم لى يد العون والمساعدة فى تحقيق حلمى وخط إسمى بين عمالقة الأدب والشعر تلميذ يحبوا على نهجهم إلى أساتذتى وإخواتى وأصدقائى من كانوا سببا فى دفعى للأمام

الشاعر / ناجى عبدالمنعم - الشاعر / محمد الساعى - الشاعر / محمد المخزنجى الشاعر / عبدالعظيم سمير - الشاعر / عمرو المصرى - الشاعر / محمد البياع - الشاعر / أحمد رجب النمر - سيادة المستشار أ / أحمد شعبان رجب - الشاعر / وليد مليجى - الشاعر / عاطف حمدان - الفنانة / أسماء رفيق (هاله) - الشاعر / سما محمد (سمسمة) وكل الشكر والتقدير لمن تحملت الكثير معى فى الحياه ومن أجل تحقيق حلمى رفيقة عمرى زوجتى الحبيبته

ياسر عيد

إهداء

أهدى باكورة أعمالى إلى والدى ووالدتى من هم
سبب وجودى بالحياه إلى زوجتى وابنتى (منة
الله) وإلى أخواتى وكل أقاربنى وأهل بلدتى
وقصيدة أعز الناس إلى روح إبنة عمتى رحمة
الله عليها وإلى كل أحبائى وأصدقائى وإلى كل
من قرأ حرف من حروفى المتواضعه

ياسر عيد

رصاصه غدر

إرسم علم .. بالدم مرفوع ع الميدان
يشهد علينا فرقتك .. يوم وقفك
واقف تنادى الحق يرجع م الجبان
جاتك رصاصه غدر خاينه تسكتك
بس لسه . صوتنا صاحى ماماتش فينا
حق الشهيد مهما غاب أهو دين علينا
لسه بكره الفجر جى وبيناديننا
وياوعدك عشان بلدنا مكملين فى سكتك
وانتى يا أمى اقلعى توب السواد
ابنك شهيد مش راح نقيم عليه حداد
كل مصرى يا أمى عايش فى البلد دى
هو ابنك مد ايده جى يمسح دمعتك

أخويه لابس لابس جندى ع الحدود
سهرانه عينه حامى ضهرى من اليهود
واقف وصاحى للعدو وقفة أسود
ملعون أبوك ياللى قتلته بسحتك
كان ذنبه إيه يا مله كافرہ بربنا
ماشيين تتاجروا بدين إلهنا وسطنا
دا انتوا كفرتوا بشرع كل الأنبيا
إلحق وتوب قبل اللقا من غفلتك
حرقت ليه قلوب كتيره ع الولاد
كان نفسهم يرجعلهم بعد البعاد
ازاى يطاوعك قلبك وايدك ع الزناد
تحرق قلوب أسره راعيتها بقسوتك
ضوء البارود نور طريقه للنعيم
وساقتك انت بكل جهلك للجحيم
هو مانسه ف غربته شوف كام شهيد

وانت جايلك الوعيد والنار هتاكل جتتك رصاصة غدر

حَاسِّكَ وَإِنِّتِ حَسَّانِي

مابين اللحظة والتانيه

عيونى ليك مشتاقه

حتى الرَّمشه من رمشى

كارهها لما تتلاقى

بتحرم عيني من شوفك

ياساكنه قلبى والننى

غزلت حروفى بحروفك

أمل ناسجينه متحنى

ياذكرى لبيكره يا حاضر

الموت وياكى يحيى

ياليل عاشقه وأنا ساهر

يانور دربی علی جبینی
بحبك وانت عارفانى
ياورده عبیرها مايروحش
حَاسِكَ وَانْتَ حَسَاتِي
وقلبي عليك ما كدبش
كفايا تقولى وتعيدى
سبيينا نعيش لأحلامنا
وشوق ايدك على ايدى
يسهل صعب أيامنا
ما أنا الطائف فى محرابك
عملت الفرض والسنة
عشان أوصل لأعتابك
وأنول رضاك والجنه
غسلت ذنوبى من عشقى
لمّا اهتديت بأنوارك

عَيَّرت فِ لونِي وفِ رَسْمِي
حَبَّكَ قَلْبِي وإِخْتَارَكَ
قَطَفْت الوردِ ورَامِيته
لما نزلت بِسْتَانِكَ
عديت الشوكِ ما حَسِيته
عشَان أوصل لِأغصَانِكَ
لأقِيت شوقَكَ بيرويني
بَطهر حَنِينِكَ الصَافِي
وجوه عَنِيكي مرسومه
حَبِيبتي كل أوصَافِي
فِ مَاتظنِيش ولو لحظه
بِإن فِ لحظه راح أسِييبكَ
باعِيش فيكَ الأمل بكَره
ومهما بعدت راح أجِيبكَ
أدون حرفِي في كِتَابِكَ

ياورده عبيرها في كتابي

دا أحلامي وأحلامك

راسمين العمر قدامي

حَاسِكِ وإنتِ حَسَاتِي

ضم إيدك ويَّا إيدي

ضم ايدك ويَّا ايدي
قوم نحقق مستحيل
البلد محتاجه لينا
لاجل ماتكون الدليل
لسه قدامنا الكثير
لسه مشوارنا طويل
بالإرادة واتحادنا
نحقق الحلم الجميل

ضم ايدك ويا ايدي
الكل هاساعه المكان
المحبه اللي ما بيننا

بتهدى روحنا للأمان
قلبنا على قلب بعض
قلب واحد / مش جبان
نخلق الفرحة بايدنا
هديه لمنشيه سلطان
ضم إيدك ويا إيدى
واتحادنا يكون فى خير
ننسى أى خلاف ما بينا
نصحى جوانا الضمير
واللى يعمل خير نساعده
وف طريقه معاه نسير
لوع المنشيه هاحكى
هحكى عنها كلام كتير
ضم إيدك ويا إيدى
خلى كتفى جنب كتفك

الكلام على مين ؟

لو فضلت العمر أكتب
لو مليت الكون كتابه
مش راح أقدر مرة أوفي
لو في ذوقك والطيبانة
مستحيل أبدا يكفي
ذرة من حسنك خطابة
مش راح أنطق مرة إسمك
هاكتبك أنا بين سطور
واللي عاشقك زي لازم
يحترم وصفي وشعوري
لو ف يوم أوصف جمالك
بلقى وصفك شئ يحير

يا عروسة النيل بحبك
قد روعي وعمرى واكثر
فوق جبينك ألف شامة
صحن خدك فوق منور
كل يوم عن يوم ف قلبي
بلقى ليكي الشوق بيكبر
وابني ف قصورك واعلي
طوبه لولي وطوبه مرمر
نفسى كل الدنيا تعرف
حبي ليكى ياساكنه فيا
الحنان ف عينيكي طارح
ع الخدود ياسمين وقل
والقمر فوق نيلك أجمل
لما بيحي عليه يطل
لسه ما عرفتش حبيبتى

اللي ساكنة سطوري مين
اللي عاشقاها حكاياتي
شرق غرب شمال يمين
هي ست الكون وأمي
واوعى تسأل هي مين
الكلام على مين ؟

زعلانه ليه ... ؟

ممکن أعرّف زعلانه ليه .. ؟
إيه يعنى حاسه إن بعدك عندى عادى
ودى فيها إيه .. ؟
ما انا قولت ياما بلاش بعاد وفضلت أدادى
بعدتى ليه .. ؟
سيبتي ليه البعد بينا يقسى قلبى
وذنبى إيه
لما أكون وسط لمة مش شايفها
والعقارب جوه ساعتى بتعاندى
لما كنت أستنى فيكى بالساعات
وأما أشوفك تعلقى فىا بحور مشاعرى
وانتى عاشقه للسكات

جايه قال بتلوميني إن شوقى ليكى مات

كنتى فين .. ؟

عیدی تانى الذكريات لو كان دا ينفع

شوقى مين فينا كان للتانى يسمع

كل همه يشوف البسمه ع الشفايف

ما كانش فى يوم من بكره خايف

وانتى إيدك حاضنه إيده

كان طريقنا بين كفوفنا كأنه جنه

مش بايدى بإيدك إنتى غصب عنى

وصلتينا لسكه ضلمه

كنت بامشى فى الطريق أتمنى أشوفك

كنت باعشق فيكى خوفك

لما بتشوفى صورتنا جوه عين اللى يشوفنا

واما كنتى تدارى عنى كمان كسوفك

لما باوصفلك فى شوقى اللى كفى العاشقين

راح فين دا كله وليه بعدتي .. وكنتى فين ؟
فين كلامك لما قولتى إن بعدك عنى موت
وفرى شويه فدموعك الندم مش راح يفيد
م انتى كاتبه فى الروايه النهايه وبإيديكى
هى دى أنسب نهايه بجد ليكى
ياريت بجد عليا تانى ماتسألئيش
سيبىنى أكمل فى الطريق بعدك واعيىش
وماتزعليش
ليه زعلانه ... ؟

تُهت مني

لما باقعد ويا نفسي
واحكي يعني جوه مني
بلقى كل العيشة صعبة
وقلبي يهرب غصب عني
واتخطف في دقيقة وارجع
مرة تانية واشوفني عيل
جوه ضلمة بطن أمي
وحضنها المليان حنان
أغزل الاحلام بصوتها
لحن طارح بالأمان
أعزفه وحدي واغني
ده ببساطة لأن يومها

ماكنش لسه الخوف سكنى
أصل عمري ما خوفت خالص
م الحياة والعيشة يعني
واما جيت الدنيا سارح
توهنتني ف بحر جارح
ويا حبة من الملامح
كات غريبة بجد عني
شوفت عالم طبعه قاسي
وناس غريبة يقولوا ناسي
اللي فرحان بيا خالص
واللي زعلان من وجودي
بس لولا العيب ياكلني
خوفت يومها بجد ياما
واتملت بسنين ندامة
ألف حيرة وهم صابني

نسى عمري الإبتسامة
جوه سجن الحزن سابني
أشكي حال الدنيا ولا
أبكي ع العمر اللي ولى
ولا ألوم ف زمان ملخبط
خلى كل الناس علاوله
مش بايدى غصب عنى
إلتقيتني تهت منى
تهت منى

سينا

كل نقطة دم سألت
فوق ترابك .. بتنادينا
للجميع ندهت وقالت
إن رمز العزه سينا
مستحيل نتخلى عنها
للطغاه والجبارين
اللى مش عارف قيمتها
واللى بيها مستهين
واللى بيموت ولادها
بالخداع وبإسم دين
كل همه بس زادها
مش مهم حق مين
ناسى ربه ناسى دينه
والإله غضبان عليه

الخيانه فوق جبينه
والغباء دا طبع فيه
سينا يا أرض الحياه
والرجال الطيبين
طول ما حافظك الإله
راح يغوروا المجرمين
موسى كلم ربه فيكى
فوق جبال الطور زمان
شايفه رسالته وبعنيكى
كنت شاهده ع البيان
بس وحياتك ياغاليه
وحق كل شهيد فى حضنك
إنتى لازم تبقى عاليه
مهما حاولوا ينولوا منك
طول ما فيكى اسود رجال

راح تكونى جنة خضرا
هما دول ليكى الأمال
والعزيمه قويه حاضره
راح نعمر فيكي دايم
ربنا دايم راعينا
والآدان ساعة ما يدن
راح نقول يحميها سينا
سينا

راجع نفسك

غلطة عمرى إن أنا عدت
كل حواجزك واتمنيت
إنى أصلى فى محراب عشقك
والشياطين واخذاه البيت
صارح نفسك يوم بعيوبك
شوف بعيونك بقعة توبك
هات ضحاياك وابنيهم كعبه
طهر فيها كل ذنوبك
إجمع كل قصايدك هاتها
شوف كام واحد ساكن فيها
كل قصيده وليها حسابها
وانت لوحدك حاسس بيها
راسم نفسك فى عيون غيرك
فاكر كله وهاجر طيرك

علمتني من كذبك ياما
روح من قلبي كتر خيرك
سايب ليه حبك ع الغارب
كام واحد من ريقك شارب
سلعه رخيصه الكل حايبها
علشان ياخذ منها النايب
بحرك شايف فيه المايه
بس دى رسمه وهو جفاف
انت بجد صعبت عليا
لازم ربك منه تخاف
أرضك خصبه وفيها البذره
طرحت ثمره وفيها النور
فكر حبه وبص لبكره
خاف لو يوم بان المستور
عامل فيها انك مش همك

وانت الخوف بقى يجرى ف دمك
راسمه عمايلك كل أصولك
وانت تملئ السئ ظنك
كثر غباءك ضيع منك
ناس تتمنى تقرب منك
لما خداعك بقى شئ واضح
كله بسرعه إتهرب منك
راجع نفسك عيد حساباتك
صح تانى كل ما فاتك
مهما هاتخسر . كسبان نفسك
لازم ترجع قبل مماتك
لو مش حابب ليك الخير
هنسى وأسيبك عكس السير
بس دا واجبى وبقولهلوك
طيرك ظالمه حقيقى كتير

أصعب وقت

أصعب شئ

لما لأول مره تقابل حد تحبه
طول الليل سهران بترتب فى كلام ياما
عايز لما تشوفه تقوله
وكل ما يجرى الوقت يعدى
تزيد الدقه جوه ف قلبك
حاسس نفسك كده متلخبط
نفسك يجرى الوقت بسرعه وييجى تشوفه
بس فى شئ جواك متمكن
رغم انك منك متمكن
بس الحاله اللى انت عايشها
أول مره انها تحصلك
زى العاده ودا المعروف
حالك مش هو المؤلف
خارج قلبك كدا عن طوعك
وبيتنطط جوه ضلوعك

فيه إحساس جواك بالخوف
طير طعم النوم من عينك
حاسس ان الوقت معاندك
واقف كله مايبعديش
كل ماتيجى عنيك على ساعه
شايف انها مايمشيش
طلع الفجر ولسه عنيك مخاصمها النوم
كل قسايد العشق قررتها
حتى الطقم كمان برفنته
بعد غسيله لما كاويته
كل متاعب الدنيا تهون
علشان حلمى اللى اتمنيته
يكفى عيونه لما هاشوفه
ولا إيديا إن جت فى إيديه
بس ياخوفى لما هاشوفه

ما أقدر أقوله أنا حاسس إيه
بس أكيد راح يقرا عيوني
ويفهم إيه جواهم ليه
أصعب وقت يمر فـ عمرك
لما تكون مستنى حبيبك
عايز تعرف كل مشاعره
ويطلع هو كمان بيحبك
وقتها نفسك كل العالم
يسمع قلبك عمال يصرخ
لما تحس انك فى الجنه
لما يحبك حد تحبه
وتتفاك ساكن جوه فـ قلبه

فى حضرة العشاق

فى حضرة العشاق
زى حمام الحمى
طاير لفق فى السما
عمال أطوف وأرفرف
فوق كعبة العشاق
باعزف على الأوتار
بأجمل الألحان
حاسس كاتى باعيش
فى زمانى دا سلطان
ضحكت لىالى الحزن
جفت دموع العين
يلعنكوا إنس وجن
يامفرقين حبيبين
فى حضرة العشاق
عامل أنا درویش

جايلك وأنا مشتاق
أنا ليكى بس باعيش
ياساكنه قصر الشوق
واقف على قصرك
فى رقبتي خنقة طوق
مكتوب عليه هجرك
بستان حياتي ورد
فتحتها نور عينك
عشقك عليا فرض
والذنب لو أسيبك
أعلنت كفرى كثير
رافض ياناس الحب
أتاريها جرح كبير
والكفر دا كان ذنب
تايب على إدينك

متوضى من طهرك
مين اللى هايدينك
غرقان أنا ف بحرك
ياسكه فيها النور
وعيونى عشقينك
لو بينا ألف ب حور
لازم أديلك
لا انا عنتر ولا روميو
ولا قيس اللى كان مجنون
أوقات ما كانوا بيحبوا
من قبل أنا مفتون
اننى ف ضلامى الضى
ياسكتى لـ جنتى
مخلوقه مالكيش زى
ومأنسه لى وحدتى

راويت وردك بشوقى
فاحت معاه محبتى
عشقك دم لعروقى
يا بطله وف قصتى
فى حضرة العشاق
عامل أنا درويش
جايلك وأنا مشتاق
أنا ليكى بس باعيش
فى حضرة العشاق

حلم فى تابوت

طال الانتظار



حلم فى تابوت

(أشعار) □

ليل نهار
وأنا بستنى الربيع
يرجع ويعلن
انتصاره ع الخريف !!!
وأشوف الورق
فوق الشجر
طارح خضاره
وبيثبت إنه
مش ضعيف !!!
باين إنه حلم
واتشقق جوه زنزانة الحياه
والحقيقه ما بينا تايهه
جوه زيف !!!
ما أنا عايش ف دنيتي
زى الورق ع الشجر

مستتي يوم يدبل خضاره
وينتهي
ما أنا فيها ضيف !!!
خايف فى يوم
الربيع يسلم
كل مفاتيح الأمل
قبل الأوان !!!
طب والعمل
صبرت ياما
وانتظارى له حدود
من كتر قسوة قلبهم
سهروا الدمعه جوه عينى
نسونى طعم الحنان !!!
كتر الألم
وتر العذاب صبح مشدود !!!

علموا قلبى الجود !!!

ماهى أصلها أحلام

ومتكفنه

صابها الملل

وشكلها متلثمه

جوه ف تابوت !!!

مستغرب ليه !؟

ليه مستغرب

لما باقرب
واما أحكيك عالى بحسه
وانا وياك
حاول جرب
إنك مره
سيب إحساسك يفرض نفسه
هتلاقى نفسك واحد تانى
حتى الكلمه اللي هاتخفيها
هاتخرج منك زى أغانى
أصل الحب بيكسر فينا
أيها صمت
بيخلى الشوق جوانا مبالغ
لما بنوصف شئ بنحسه
خايف ليه من حبي الزايد
مانت عارفنى

حتى ان كنت انا مش وياك
برضه شايفنى
بس أنا قوللى أعملك إيه
كيف البدر عيونى شايفاك
لو هاكتب فيك
مليون أغنية ما هاتوفيك
إنت الحب
طارح ليا ف بستان عمرى
أحلى حياه
سبينى أحبك وأعشق فيك
طيب قلبك ويا حنانك
ولا الرقه اللي ف نظراتك
خلوا الدنيا أجمل بيك
وانك متربع جوه ف قلبى
تؤمر تنهى وأنا بسمعلك

عمرى ما أكسر يوم قوانينك
واما إيديا بتحضن إيدك
بنسى الدنيا وانسى العالم
مستكتر ليه الحب دا ليك
مستغرب ليه العشق دا فيك
مانت بس اللى اتمكنت
تدخل قلبى واستوطنت
واتملكته واتوليت
سلطان حاكم كل ما فيه
مستغرب ليه

مصر هاترجع

مصر هترجع تعلق وتكبر

وإحنا بإيدنا إلی هنبنيها
مهما الغدر فيها هيكثر
إحنا ولادها إلی هنحميها
لو طلبتني ف يوم ما أتأخر
لا بالعكس أنا هاجري عليها
مهما حصلي ف يوم متأثر
كل حياتي تهون وأديها
بس شويه الحال إتعسر
ربك بكره هائسويها
ويلاش تسأل إيه إديتني
وإسأل نفسك إيه بادياها
مصر ورده في البستان
كله بإيده لازم يرويها
ليه نفارقها في الأحزان
وأما بتفرح نجري عليها

إيد مع نفسها ماتسقفشى

يلا نخط إيدينا ف إديها

مهما الصعب يكون مانخافشى

بايدنا هانحفر مجدنا فيها

مصر هترجع تعلق وتكبر

وإحنا بايدنا إالى هنبنيها

مهما الغدر فيها هيكثر

إحنا ولادها إالى هنحميها

معنى الغرام

العيون ساعة ما شافت طللك

حلفت لتسبق خطوتي وتقول كلام

والاماني جات بسرعه وقابلتك
تتمنى تكمل قصتي بلحن الغرام
ياللي القمر من طلتك صابه الكسوف
والدنيا شافت ضحكك مابقاش في خوف
رمانى قلبي ف سكتك تراتيل حروف
ترسم في مستقبل يعيش بالابتسام
ضللتني على روعي الكنيبه ببسمتين
ومن حنان قلبك سقتيني الحنين
والدمعه غابت عن عنيا .. من سنين
ونسيت معاكي اي جرح .. او ملام
ازاي ما حاسيتش بغرامه ليك يا قلبي
وازاي تداري وتتحرم من نبض حبي
دانا كنت باتمناك يا عمري تبقى جنبي
من وقت ما قلبي عرف معنى الغرام

أعز الناس

لما النور يهرب من عينك

فاضل إليه

لما الورده عبيرها يروح
لما الضحكه الحلوه تروح
لما ربيعنا يكون مخاصمنا
وتلقى الدنيا بحالها خريف
زعلان لما قمرنا فارقتنا
اللى منور كل حياتنا
بيجى الليل وبكل قساوته
يكسى نهارنا
ماتفكرش ف بكره خلاص
راح من بينا أعز الناس
خد وياه الفرجه وساب
كل الأحزان ماليه قلوبنا
بتعذبنا
لو كان يعرف إن فراقه
قاسى علينا

لو كان بعده شئٌ بإديه
أو بإديننا
كان هيفكر ياما ف بعده
قبل ما يبعد يوم ويسيينا
أصل فراقه صعب علينا
حتى الشمس بتعزيننا
رفضت تطرح كل شعاعها
فضلت تبكى عليه وحزينه
أه لو شوفتوا نجوم الليل
واقفه قصاده
رافضة بشده يكون لها ضى
رافضة بعاده
حتى الصبح طالع ومغيم
رافض يطلع من بعديه
ولا البحر على ف موجه

رافض تمشى المركبه فيه
جف الدمع ف عين الطير
ضيع نوره جوه عنيه
أصل الكل ببيكى عليه
أعز الناس
راح من بينا يادنيا خلاص

الربيع

جانا الربيع بعد الشتا
وغنى الطير فوق الشجر

كان الصراع جامد أوى !!

بين الخريف

وزهور عناقيد الربيع

لمّ الربيع -

كل الحبايب وانتصر

الحكم ايه؟! ..

دا مش مهم !!

إصرف نظر

سافر شتانا بلسعته

وببهدلتنا بالمطر

والشمس كات متبسمه

ودفاها ع الكل انتشر

خلى الحياه

بيضه ف إيديك متلونه

كل الأمانى -

بـ العزيمه ممكنه

لمتنا دى مع بعضنا

بالحب راح نبنى الحياه

أمل مـ خضر أرضنا

والفرحه غطت حزننا

يابختنا

لو كل يوم نبقى كدا

ييجى الربيع ويلمنا

هادعى وأقول لربنا

خلى الربيع يطول سنه

يطرح نسايمه فـ قلبنا

ننسى خلافتنا لبعضنا

خلى البساط دا أحمدى

على رنجه وملوحه وفسیخ

واللحمه ملفوفه فى سیخ

واشوى الفراق
ع الفحم حى وعذبه
يارب بارك جمعنا ماتشتته
عالم يارب نوايا قلبى ومقصده
مش قصدى أقدس الربيع وأتعبدده
ولا عيد لـ مله غير الملّه باعیده
فصل الربيع بدايه لينا مبهجه
بنودع فيها برود شتانا المؤلمه

وش تانى

خلاص إنسى اللى فات
أنا ما بقتش أنا
أنا اللى عرفته مات

بقى حد غيرى أنا
خلاص إنسى حنانى
جرحك ليا عمانى والطيب فى مات
هقلب على وش تانى
وحياة قسوة عنادك
أنا هخدع فيك وأغش
هعمل غلبان قصادك
وأنا لابس ألف وش
بكره تتمنى موتك
من جرحى ماتلقاهوش
تصرخ مايبانش صوتك
وتتوه بين الوشوش
مش هارحمك ياطيرى
ياللى بتنكر فى خيرى
وهياخد حقى منك قلبى مش حد غيرى

خلاص إنسى حنانى
جرحك ليا عمانى
والطيب فى مات
هقلب على وش تانى

يا كلمه تايهه

ياكلمه تايهه
جوه قاموس الحيرانين
المشتاقين

غرقانه فـ بحر الهوا
مش عارفه شطك فين
لملمت حرفك
لما إنحرف
عن حضن ضلى
وفضلتى ليا تهمسى
فيا تضلى
دبلىتى وردى بين إديكى
راح منه عطره
لما شاف
جرح الخيانه المستهين
مع دمعتين
من العينين
نازلين على خدك بلمعه مزيفه
لما إنتى ناويه تمثلى

دور الخيانه باحتراف
من غير معين
غير قلب كان كل همه
يسعد القلب الحزين
لكنه شاف في كل مره
حاجه تأكد
من المأكد
إن اللي ليا
منك دا عمره ما كاتش حب
كل شك جوه قلبى
أصبح واضحلى منك أوى
كل الورق كل السطور
اللى انكتب عليها حرف
من شوقى ليكى
بياديا لازم تنطوى

ياكلمه تايهه
جوه قاموس الحيرانين

أنا مش ملكك

هو انتى فاكراه الحب يعنى
حاجه واحده وف خيالك
عايزه بس تملكينى
أبقى حاجه من حاجاتك

أبقى فصل فى روياتك
أبقى فى الاسكور جنابك
لسه مستنى تنادينى
يا أميرة عرش نفسك
فوقى من نومك وحلمك
لمى شعرك عن عينيكى
وفتحياها قوام شوفينى
لسه عايزه تعرفينى
بصى حبه جوه عينى
شوفى نفسك جوه منها
تلاقى نفسك ساكنه فيها
ان كنتى حاسه يعنى انك
لحظه ممكن تملكينى
هاطردك منها واسيبك
لو هتاخذى منها نورها

وتسيبيلي بس ضلمه
عادي بس ما تملكيني
عمرى ما أبقى ف أنتيكاتك
سد خانه لشئ فى ذاتك
ولآ لعبة بتلعبها
جايه بيها تسلى وقتك
إحسبيني من النهارده
ماضى عدى ف ذكرياتك
لسه فيكى هاعزى نفسى
لأن حبك فيا مات
واوعى مره تقولى إنك
عاشقه ليا وحبيتيني
صعب أصلا تملكيني
انتى عايشه ليكى وحدك
فاكره إنى هابقى ملكك

روحى عيشى جوہ و همك
واشطبىنى من حياتك
واوعى حتى لحظه إنك
بين منامك تحلمينى
صعب تعيشى لحظه حلوه
لو معايا جوہ حلمك

ماليش فى الورد

نزلت بستان الورد
ملاقيتش فيه وردہ
أتارينى فى الخريف
وشوفت بعيد وردہ
طالعه ما بين الشوك

و لوحدها شاردة
لاقتنى مشدود لها
ما انا يا ناس عطشان
واللى عطشه شديد
حتى ان شرب خمره
وما فيش معاه مايه
هايبقى شربه مباح
ودي ورده فى البستان
وظالعه زرع شيطانى
تغوي العيون بجمالها
حقيقه كات عجبانى
لاقتها وأنا سواح
فى سجن أصله براح
ملعون أبوكى يا حيره
بين الأمل واليأس

عصفورى بين ايديا
إستحمل عذابى كثير
عطشته م الحنيه
منعته انه يطير
لسه باقى عليا
وم الهوى بيغير
حبسته جوه عشى
قال كفايا عليا
أكون معاك محبوس
ولا أتسجن فى براح
وخاديتنى تانى الورد
العين خلاص عشقوها
وعرفت إن الورد
غبرى كثير شموها
الورد دى أصلها

لو كثير لمسوها
بيروح أوام عطرها
وأخرتها يرموها
أصل الأوان في الأصل
ماكاش أوانها
واللى يغره الشكل
يتوه في احضانها
عديت ياناس ع الشوك
عشان اعديلها
ماحستش كتر الشوك
جمالها كان ساحر
عطرها فواح
واخذنى ع الآخر
ولما روحتلها
لاقيتها دبلانه

راح ياناس عطرها
ووحيدة غرقانه
فى مايه متلوته
م اللى لمسوها
لوثنى ليه بستانك
أزمتى البشر منك
لو الجنائى صانك
كان فاح العطر منك
أصل الهوى قادر
طوحها ع الجنبين
أتاربه لعيب وفاجر
خلاها تغوى العين
رجعت وسط الشوك
آلمنى كتر الوجع
ياريت ماعديتها

ولا غر عيني الدلع
ما عرفش كان دا عطش
ولا غلبنى الطمع
مسكين ماليش فى الورد
ما عرفش أنواعه
رجعت تانى لطيرى
طيبت أوجاعه
ومركبه فى بحرى
صلحتله شراعه
سقيته كاس هجرى
صان قلبى ما باعه
أتارى ف عشى ورده
محتاجه أرويهها
راويت لغيرى ورده
وتملى ناسيهها

أسف ياوردى بجد
خادنى الهوى بخداعه
مسكين ماليش فى الورد
ماعرفش أنواعه

ساكنه بيتنا

جوه بيتى ف كل حته
ساكنه بيتنا
أمى فيها ياخلق ساكنه
إنتوا فاكرين إنى فاهم ..
زى ما إنتوا مش فاهمين
إن أمى يعنى ماتت ??

عايز أعرف بس ليه
ليه قولولى مصممين
ترددوا .. إن أمى راحت .. ماتقولوش
أصل عيشت معاها عمر..
إنتوا زايى ماعيشتهوش
ع الحيطان شايف صورتها
ف كل ركن شامم ريحتها
حتى وأنا جوه ف أوضتها
شايف شكلها ف نومتها
عيني شايفه عينكوا لا
حاسس لسه حنانها أيوه
يعنى ممكن أنسى؟! . لا
لما كات تبكى لبكاييا
لما كات تفرح لفرحى
أما أكون بردان وتيجى

بعضنها كانت تدفى بردى فيا
وأما كتير خافت عليا
وأما كات تسهر وأنام
لما كات تحس ألمى..
وأما تنزل دمعها منها تيل خدى
وأصحى أقول يا اما مالك
ليه عنيكى مدمعين
وتقولولى أمى راحت ؟
واللى يحس بيا مين
كنت هاعرف أكيد ساعتها..
لو روحى كانت منى تاهت
ازاى تقولوا مش هاترجع
مهما تقولوا مش راح أسمع
طاب مين قولولى مره يمسح دمعنى
أو غيرها مين هايأسننى ف وحدتى

قولولى يمكن تغيب يومين
أصل إنتوا بيا مش حاسين..
مش فاهمين يعنى إيه النور يفارق العينين
وهالقى غيرها الطيبه فين
طاب اشترولى طاب حنان
أو هاتولى معاكوا حبه م الأمان
يعنى هل ممكن تلاقوا؟؟
إرحمونى أبوس إيديكوا
إبعدوا شويه وسيبونى
عايز أبقى شويه وحدى
هى أكيد دلوقتى جايه
مش هاسيبها تمشى تانى
وهاسمها بتدعى ليا..
تقول حياتها تهون عشانى
هادخل انام أنا ف أوضتها

وأما تيجى هاتصحينى
عشان أروح أنام فى أوضتى
وبإيديها هاتغطينى
وتدينى أحلى بوسه ع الجبين
ما إحنا كده متعودين
كل يوم أخذ منوم
بوسه منها أو بوستين يالا روحوا
وإبقوا سيبوا الباب موارب
أصل أمى وهى خارجه
نسيت كل حاجه ليها
ونومى عليا بيبقى غالب
مش هاسمع خبطة إيديها
أمى مش عارفينها يعنى
لما كات تدخل علينا
وإحنا نايمين بتصحينا

كانت تخبط خبطتين
وبعدها تدخل علينا
بكل حنيه تناديننا
كنا نزعجها ف منامها
وهي كات تخاف علينا
ماحدش يزعل فيكوا مني
ما أنا اللي فيكوا طالع لها
وكأني الوحيد من بطنها
نفس ضحكنا البرينه
نفس كلمتنا الرقيقه حتى شكلي شكلها
وكلكوا بعدتوا عنها
وانا اللي منكوا فاضلها
كنا نبكي ف حضن بعض
كنا نضحك زي بعض
كانت تمسح دمعى ليا

وانا كنت بمسح دمعها
داخل أنام على فرشها
وإن طالت نومتي ماتقلقوش
وان غيبت عليكوا ماتخافوش
أصل لو ماجاتش هي
يبقى لازم أروحها

حكايات جدى

كان يا ما كان
أيام زمان
لما بقعد وأسمع جدى
وبيحكنا فى الحكايات
حكايات ياما كات وهميه
كانت فيها فكره وعبره

وف لمتنا ع الطبلية
كنت أنا بقعد أطاطأ ودنى
وأشوف الشاطر دا فى الآخر
إيه راح يعمل ويا البطله
لكن الليله غير جدى
مجرى حواراه لحاجه عجيبه
ولا خبيش يا إخوانا عليكموا
لف دماغى وتهت أنا حبه
كان فى الأول بيقول شابه
حلوه جميله الكل رايدها
وعشان حلوه وكلها خفه
الكل لحالها ماكانش سايبها
قولت يا جدى إشتاقت أنا ليها
من حكاويك الحلوه عليها
قاللى حبيبي كبيره عليك

لكن حاسه دايمًا بيك
حاسه بكل اللي بيعشقها
وبتتكلم ولا تسمعها
شابت يابنى من أوجاعها
عمرها أبداً مايتتغير
بس ولادها مش حاسينها
تايها عقولهم مش فاهمينها
وكتير يابنى تنادى عليهم
عايزه تاخدهم بين أحضانها
ومهما ياولدى نزيد في الامها
ساكته وراضيه ومابتنطقش
ورغم دا كله وبرضه قويه
مابتتهزش ولا بتمل
وظارحه الحب كمان ع الكل
ع اللي رايدها واللى سايبها

واللى حاببها علشان خيرها
واللى بيدى علشان امه
ولا ينفعش يفوتها ف مره
أصل العيشه ياواد من غيرها
تروح حلاوتها وتكون مره
قولتله فين الاقيها يا جدي
قاللى فى كل مكان تلاقيها
دور جواك راح تلاقيها
جوه عيون الشمس وضلك ..
فرحك املك
حتى ف حلمك راح تلاقيها
و مش هاتشوفها حقيقى بجد
غير لما تبطل تاخذ منها
وتعود نفسك كيف تديها
مش تديها حاجه من جيبك

مش محتاجه تاخذ منك
عندها يابنى اللى يكفيها
لكن عايزه تحس بانك
واقف للى عايز ياديها
عايزه ولادها يكونوا حواليتها
لكن الكل عايز يورثها ..
ويقسمها ويبيع فيها
والتربيه راحت ع الفاضى
وأبص عليها ياواد وأستعجب
وأضرب كف كمان على كف
برغم القسوه من أولادها
وتقول برضه أنا مش هاقسى
وأقسى إزاي دول أولادى
طول الوقت عليكوا تنادى
فينكوا حبايبي تعالوا ف حضنى

وبلاش حد منكوا يسيبني
ويبعد عنى وأكون مشغوله
خايفه تاخذكم منى الغوله
تاكلكم واحد ويا التانى
وأفضل أبكى عليكموا وأعانى
من فرقتم عن بعضكم
وعشان كده خايفه عليكم
لا حد ببسمع ولا بيرد
والكل فى ودنه كمان ببسد
باصص بس فىن مصلحته
حتى ياواد لو قل ف قيمته
وناسى الأم اللى كتير تعبت
عشان تحفظله ف كرامته
واللى بياخذ ولا بيهمه
بيمد ويسرق من جيب أمه

لا يعرف خشى ولا يعرف عيب
ويزعل لو تحجبه وتلمه
بقى معقوله دول أولاد
رغم إنها ياواد بكريه
زى بكارة العذراء ..
إلا ان ولادها كتير
وفيهم اللى ماشى بجهله
يعادى فيها ولا بيهمه
لكن هى بطيبة قلب
تحن عليه وتقرب منه
وعمرها مره مابعدت عنه
الكل شايفها حبيبي عروسه
لفت يعنى ياواد وإحلت
وم العين دايمًا محروسه
وبيعشقها حى وميت

أصل الموت مش رمش ورمش
وبيتقابلوا يطفور النور
دا الاحساس زى الأنفاس
بيهدا ويرجع تانى يثور
أصل البطلة ياواد الليله
ليها بدل الشاطر ألف
أو ييجى حتى 100 مليون
والكل عاشقها كمان بجنون
وتوته توته ودى الحكايه
أميره وليها كتير شطار
ساكنه ف قصر كبير وعالى
وحراسها ياماع الأسوار

توبك داب

مابتحسيش ودا طبعك

ومين قالك

وخدك إن أنا إنك

أكيد القصد دا دُك

ومين ذلك

و قال الحسن من وصفك

وأنافكك ليه

مانا عارفك
ما يمكن كله مش شايفك
كما شوفى
ماهو انتي الكل بيجاملك
فمن خوفى . لاتتغرى
رميت الخوف ورا ضهرى
بلاش تحتارى وتقولى ماحبتكيش
حررت قيودى من بُعدك
مع إنى
وانا وحدى ومن غيرك
ثوانى الفرح ماتزورنيش
فامتظنيش
ظن الكره من يمي
دا كان حلمى أعيش ليكى
وجنة عمرى فى عنيكى

وشايل قلبى بين كفى
ومتصفى
ولا غيرك عايش فى
وهاعمل ايه
حاولت كتير ومايستش
أغير طبعك القاسى
ومش ناسى
دموعى ف عينى لتحنى
وقلبك سابنى ولا حاستش
ونار جوايا كويانى
وقلبك أعمى مايشوفشى
رجعالى تانى عايزانى
دا توبك داب ماينفعشى
و توب العشره مايدوبشى
هافكر ليه أنا تانى

واعيش أوجاعى من تانى
ماكان باديكى تختارى
وكنت معاكى أنا شارى
ماقدر تيش
خسرتينى ..
بكام قصه ..
بكذبك عنى تحكيها
شبعتك منى بزياده
و دى العاده
بقيتى مينا للمرسى
رَسَيْتِي كَتِير عَلَى شَطُوطِكَ
فَاشْطُوكِ صَارَ صَعِيبَ لِيَا
فَانَسَى إِنِّي هَاكُون لِيكِي
لَأَنِّي نَاسِيكِي مِنْ يَوْمِهَا
وَنَسِيَانُكَ صَبْحَ غِيَه

أغنية المَعْلَمَة مش بسهولة

المعلمه مش بسهولة
دا جدعنه يابا ورجوله
كسبنا حب الناس لينا
عشان سكتنا معدوله
خاليتنى انا علمت عليك
أصلك باصص على رجلك

كل الناس حواليك شايفه
وبرغم شوفك عاميه عنيك
ماديتك ايدى نتصاحب
وياك انا قومت بالواجب
اتاريك معايا ومع غيرى
مالكش يابنى فى الواجب
زرعت زرعك وراويته
قلعت زرعى أنا وراميته
لحم كتافك من خيرى
ازاى دا كله إنت نسيته
طبعك غريب وملكش حبيب
ولا تعرفش معنى العيب
هاروح وأسيبك للدنيا
هاتعلمك هى التأديب
مابقاش ليك جوايا مكان

أصلك يا بنى مالكش امان
صونت قلبك وراعيته
بقسوه قلبك راح وخان
من دلوقت انسى اللى فات
مالكش عندى انا ذكريات
مش هاحن عليك تانى
مـ النهارده انا قلبى مات

أغنية

توب الغلابه

جاين ع الشقيانين .. لابسين توب الغلابه

ناس زى التعابين .. واحنا ياعين طيابا

الحقد ليه عماهم .. وهاجر ليه ضميرهم

بالخير كنا معاهم .. ولا شوفنا مره خيرهم

هابيع اللى إشتريته .. وادوس ع الطيبين

وأهد اللى بانيته .. وأكسرله أى عين

عالم مالهومش ديه .. فى الطبع مفتريه

وأنا لو مشيت معاهم .. أنا هاجى ع اللى ليا

يا عم الدنيا لينا .. ورقه فى إمتحان
ياتعدى بخير علينا .. يا إما فيها نتهان
ويادنيا ع العموم .. أنا شارى فى اللى منى
دا القوه مش بتدوم .. وفيه اللى أقوى منى

أغنية

عيال هفيه

الوحش لو يوم يوقع .. عليه تعوى الكلاب
وأخويه راجل جدع .. حاضر لو حتى غاب
اللى عاش فى خيريه .. ماقالش كتر خيريه
وبسرعه مات ضميره .. ف ضهره راح وعاب
صلبت أنا ضهرى بيه .. وصيته ماشى عليه
وأهو جار زمانه بيه .. وف صغر سنه شاب
ماعرفش مالك بيه .. ماتخفى يادنيا عليه
ما اداكى ياما اديه .. ظالمه ليه فى الحساب

بلاش يكون ضحيه .. عشان عيال هفيه
والله لو باديآ .. لاسقيهم العذاب
مسيره يوم هاي رجع .. يديكوا درس يوجع
واللى عليه اتدلع .. هاي سف يومها تراب

الحياء جوه ميت

من غير ميعاد
بنلاقى حاجه تشدنا لضحكة زمان
نفس المكان
فيه حبه يعنى اتغيروا
بس فاكراه كأنه لسه
اللى بي سرق عمرنا وضحك الولاد
لفيت بلاد .. ولقتنى تانى ع الطريق
محتاج صديق

ياخذ بايدي يدلنى
على فرحه غايبه من سنين
ياااه م الحنين
لكل حاجه عيشنا ليها
وكنا فيها صغيرين
الغريبه العمر رايح
واحنا فاكرين انه جى
كل شئ فينا ميت . بس حى
كنا نفرح لما حاجه فينا تكبر
والسنين كل اما تكثر ..
الرصيد عمال يقل
والغريبه انى شاعر
واللسان عاجز يعبر
وانا اللى فيا بحور مشاعر
تكفى كل العاشقين

وشطوط حنين . رغم الأنين

ياااه م السنين

توهتنا جوه بيتنا

غيرت فينا الملامح

والحياه محطات ورحله

كل شئ جواها رايح

كنت بأفشل أيوه وأنجح

واما بأقعد ويا نفسى

الخيال ياخذنى وأسرح

جوه بحر من الحنين لايام زمان

أجمل سنين

لما كانت البراءه هى عنوان الكلام

لما كان الصدق صاحب

لما كنت ازعل واعاتب

لما عاش الغش بينا سنين فى وحده

لما كات ايدينا واحده
كنا نقسم بينا لقمه
حتى لبسى النهارده لابسه
بكره صاحبي يبقي لابسه
حتى كان الناس مابينا
تتوه ماتعرف مين شاريه
واما افوق من رحله كانت
جوه بحر الذكريات
ألقي نفسى جوه موجه م الأهات
عمال بادوار ع الحياه
جوه ميت عمره فات

ملك الغابه

احنا بجد حقيقى غلابه
عايشين وياً قلوب نصابة
صعبة الرحلة شوية ولكن
عُمة وبكرة هنفرح يا ابة
اسمع وافهم فين العلة
نفس الشلة واحنا طيابة
وادي بلدنا الحرة مصاحبة
عالم جاحدة بقلب ديابة

زي فريسة ف ايدهم سهلة
اه لو يفهم ملك الغاية
ازاي يملا وشوش بالفرحة
سارحة ف بحر هموم وكآبة
ما يقويش الشلة اياها
وان قواها دي تبقى خيابة
اصل هدفهم كان الذلة
صوتهم علة والنبي يا ابة
طيب بايديك جرحه ولمه
اصل بلدنا بجد مصابة
محتاجة مننا وقفة بهمة
مش محتاجة وشوش قلابة
وقلوب خاينة قليلة الذمة
سارحة ف كل ميدان بربابة
بس بايدنا بلدنا هترجع

نهر محبة وخير وطياية
اسمع واعرف وافهم يا ابة
ان حقوقنا مش متسابه

الراعى ف خمسة باب

(1)

الفجر ليه طالع حزين
والليل بيتحدى النهار
والصبح حاسس باتكسار
والشمس عينها مدمعين
خايفه من كسر النهار
ليه الأمل بقى عنا غايب
مش عايزنا نكون حبايب

والربيع رافض يخضر أرضنا
والبدر بيوشوش بشوقه للنجوم
قال مين؟؟ ومين؟؟
! عاوز يفرق شملنا؟

(2)

السمك ما عاdash يضحك
لما موج البحر خالف كل وعده
وقال هاينشف
خاف السمك إنه يموت
لو الشطوط فتحت ببياتها
للميه تخرج
هيبقى كله زى بعضه
البساريه تبقى حوت
صابها حاله م الذهول
وكله ملتزم السكوت

حتى بصوا لبعض قالوا !

مين همه يخلص مننا ??

(3)

الكل سهران مش جايله نوم

لما إختفى الحلم ف منامهم

مش لاقين دوا لالامهم

عجزوا الأطبا يداووا فيهم

ومش لاقيين رد لكلامهم

صدروا لغيرنا الدوا

وجابولنا منهم سمهم

ياظلمهم

فى عروقنا خلوا الدم ميه

وسابوا بس دمهم

حجروا حتى ع الهوا
وخلونا ناكل بعضنا

(4)

الراعى آمن للذئاب
وياخوفى ع الغنم
مـ الديب
بكره ياكله الديب
ويحلى بعده بالغنم
الغدر طبع الديابه
والغنم عندك غلابه
يا أبو الكآبه
بلاش يفرق الديب ما بينكم
ويضعف غنيمته

بلاش تمحى ف أسودك
وعشان تضمن سلامتک
إقطع رقابته
دا لسه وراه شلة ديايه
بلاش تخلى الضحيه سهله
دى ديايه واعره
بس لو ناوى تبيعنا
والخریف يكسى ربيعنا
وتضحى بينا
خلى دبحك قبل سلخ جلدنا

(5)

قاموا العزا والفرح حدانا
واحنا حزنا لعزاهم

مفروض علينا فرحهم
حتى واحنا حزاننا
عايزينا نكون بلياتشوا ليهم
نسعد حياتهم
وكل هدفهم جفانا
بيطردونا من بيت أبونا
ماحدش ينطق بكلمه
خدوا من عينينا نورها
وسابوا لينا بس ضلمه
ملعون أبوهم كلهم
اللى عايزينا نعزهم
وهما عاشقين دننا

نبأ عاجل

جنه خضرا

فيها تلقى الخير دا يفرح

فيها بيكافح ویدی

يزرع الحلم يحصد

خيرہ طارح وف عینیه

بکره جای کله حب

عایش حلمه جوه منها

فيها شب

فلاح راضى
شقيان عادى
هى دى بالنسبه ليه
أحلى عيشه
مايه ماشيه تروى أرضه
يتعب يعرق
يحرم نفسه انه ياكل
أو حتى يشرب
بس أرضه لابد تشرب
وللا لما يسمع راديو
والست فيه
سلطنه
والجوزه ف إيديه
والشأى لما يد كون
فوق النار اللى بد حطب

عارف أخبار كل حاجه
يعرف حتى الساعه كام
من غير ساعه
يحسب ليك أتخن حسبه
من غير حاسبه
رب العزه مديه صحه
وبيتحمل
نادر جدا لما يه فكر
ويروح يكشف يوم فمه صحه
فى عز الحر
تلقاه واقف شغال فى الأرض
بيأدى السنه
قبل الفرض
وبيعشق صوت الشيخ رفعت
وقت مايدن

وان حد إتكلم يزعل جدا
وقت الجمعه
أول واحد
يدخل هو جوه المسجد
لولا الإخلاص اللي فدمه
ناحية أرضه
ماكانتش الأرض وقفت جنبه
كانت بارت
واحنا الحق
ناسيين فضله
وبرغم إنه
أكثر واحد أخلص شغله
أهدرنه ف حقه
مليون شكر
يا أعظم راجل

ومسيرك تسمع عنك كلمه
وانت قاعد ويا الراديو
تشكر فضلك
فى نبأ عاجل

ست الكل

عارفه يا أمى ياست الكل
لما با اكون وياكى با احس
إنك جنبه لوحدى وبس
وانك ضى منور ليلى
وانك دوا لجراحي وألمى
وانك نبع حنان يسقيني
ما انتى النن ف حبة عيني
سندى ودايما بتقوينى

وف صلواتك مش ناسياني
فيها تملئ انتى بتدعيلي
عارف دايم مشغول عنك
وانتى تملئ مشغوله بيا
لو قصرت أنا مره ف حقاك
غصب عنى ومش بإديه
أصل عشان اوصل للجنه
لازم ترضى يا أمى عليا
مهما تحسى بجفا من قلبى
يروينى قلبك بالحنيه
أمى حبيبتى ياست الكل
بستان مليون ورد وفل
شجره تضلل وقت الحر
حضن يدفى ف عز الطل
وبتروينى وانا عطشان

جنبك بلقى الدنيا أمان
ربى يخليكى ليا يا أمى
يا أحلى هديه من الرحمن
شايفه ملامحك دايمًا فيا
كل التفاصيل فيكى حبيبتى
تعرفى إيدك لما با ابوسها
با القى فـ بوسها تملى انا هيبتى
لما تعصبى منى شويه
با امشى واسيبك حبه لوحدك
وأرجع تانى بعد شويه
با القاكى قاعده ومستنيه
وتضمينى حبيبتى فـ حضنك
مش عايزانى أكون زعلان
دا انتى يا أمى كل حياتى
لو ها اكتب كل قصايدى انا فيكى

مايكفيكى ألف ديوان
عارفه يا أمى لما با اشوفك
والمح طبيبتك جوه عيونك
بالقى الدنيا بحالها بخير
عارفه ان داعب الهوا لو توبك
او شفت الحزن جوه عيونك
با ازعل اوى وعليكى با اغير
أصلك أمى وبنتى وزوجتى
أصلك أبويه وأخويه وأختى
أصلك صاحبى وكل العيله
أصلك لمة علم جميله
أصلك شهر صيام فى إيمانه
أصلك عيد مليون بالفرحه
أصلك شجرة فـ بيتها وطارحه
على أولادها وزوجها الحب

ماننش جزء ف قلبى يا أمى

دا انتى يا أمى كل القلب

إحنا إخوان

(1)

فاكره حبيبتى

لما قابلتك أول مره

كان على أول درجة سلم

جوه ف قصر الحلم الأتى

لما وقفنا نبص لبعض

لما فرحت ولما فرحتى

كان فيه شئ متحكم فىنا

وعنينا بس اللى بتتكلم

كُنَّا سَاعَتَهَا لَسَهُ صَغَارٌ
وَابْتَدِينَا فِى قِصَّةٍ جَمِيلَةٍ
لَسَهُ جُذُورُهَا مَمْدُودَةٌ فِينَا
كُنَّا بِنَمْشَى الْإِيدِ فِى الْإِيدِ
مَشَّ خَائِفِينَ مِنْ عَيْنِ النَّاسِ
كَانَ جَوَانَا الْحُبَّ بِيكِبِرٍ
وَإِحْنَا عَلَيْهِ وَأَقْفِينِ حِرَاسِ
وَأَمَّا يَقُولُوا إِنْ أَحْنَا إِخْوَاتِ
كُنَّا نَبْصُ لِبَعْضِ وَنَضْحِكِ
أَصْلُ مَا حَدَّثَ جِهَ عَزَانَا
وَلَا يَعْرِفُشْ إِنْنَا جَوَانَا
أَخٌ وَأَخْتُهُ دَا كَلَامِ مَاتِ

(2)

فَاكْرَهُ حَبِيبَتِي

لما نجحت ولما نجحتي
من فرحتنا جريتي ف حضى
كنا أوائل على دفتنا
بس كسوفنا أوام ساكتنا
خوفنا يلاحظوا الحب علينا
روحنا بعيد عنهم وبعدا
نرسم فى طريقنا ومشوارنا
لما هاندخل سوا اعدادى
شوفنا الحلم بيكبر فينا
وقتها مسكت إيدى ف إيدك سوا وجرينا
واحنا قلوبنا جوه ضلوعنا
بترقص بينا
شوفنا البسمه ف عين الكل فرحان لينا
كان الكل شايفنا عيال
كان يعجبنا شوفهم لينا



علشان نفضل مع بعضينا
طول ما عندهم شايفه وحاسه
إننا لسه صغار وإخوات

(3)

فاكره حبيبتى

لما دخلنا سوا إعدادى
وعدت أولى وتانيه وتالته
وكنتى تملى قاعده قصادى
ومافيش مره بنغلط غلظه
فى امتحاناتنا ورسم طريقنا
وكنتى الأولى على دفعتنا
وانا وياكى كنت التانى
فاكره يوميهال الوعد ما بينا
مانخليش حاجه تعطننا
ونرسم أحلامنا لنفسينا

فاكره زعلنا لما عرفنا
إن فثانوى عاملين عزله
فصول لبنين وفصول لبنات
عشش فينا الحزن ساعتها
حايره الدامعه جوه عينا
كأنه حد فارقتا ومات
كنا نصدق إن الحصه
تعدى ونجرى أوام وبسرعه
نشوف بعضينا جوه الطرقه
كنا بنحلم نبقى دكاتره
وزى العاده طلعتنا اوائل
شوفنا الكل سعيد فرحان
واما شافونا وايدى ف ايدك
قالوا ما شالله عليكموا عرسان
يومها كسوفنا بان فى عينا

بس ساعتها احنا اتمنينا
نقول للكل اننا عشاق
كتمنا ف شوقنا واستحملنا
علشان فيه لسه ف مشوارنا
نكمل فى طريقنا للجامعه
ودا كان عايز مَّنا ثبات
ويشوفوا اننا لسانا اخوات

(4)

فاكره حبيبتى

أول يوم ما دخلنا الجامعه
كانت إيدك حاضنه إديا
ومرايتك كات فى عنيا
كنتى تشوفى جمالك فيها
فاكره كلامك لما ضحكنا

وقولتيلي عارفه انا عينك زايعه
واوعى اشوفها تبص لواحده
فاكره لما دخلنا السكشن
ولاقيتي واحده قعدت جنبى
يومها الغيره اكلت فيكى
وجيتى قعدتى انتى ف وسطينا
أصل ساعتها حبيبتي عنيكى
كانت باينه أوى وكشفاكى
حتى البنت دى بصت ضحكت
وشاورت أنا ع الناحيه التايه
إتلفتى لقيتى مكانك
فجأه اتاخذ وملاته واحده
يومها زعلتى واتنرفزتى
واتمنيتى ساعتها تكونى
بدل الواحده مليون واحده

علشان تبقى محاطه عليا
وما فيش واحده تقرب منى
يومها فرحت وضحكت عيني
م اللى انا شايفه فى حبك ليا
بس حبيبتي أنا برضه بحبك
ساكنه ف قلبى وماليا عنيا
مهما قابلنى بنات فى الجامعه
أكبر منهم حبك ليا
مرت ياما سنين وأهى عدت
واحنا إدينا فى إدين بعض
وإخرجنا وقت أخطبها
بصت أمها لعيون أمى
وساكت كله وما فيش رد
حسيت إن الدنيا البيضه
والمليانه بفرحة عمرى

جوه فد عینی أهی بتسود
وجوه عنیهم باینه حاجات
فیها الدمعه ببحر أهات
وسمعت ساعتها أنا أسوأ رد
مش عارف وقتها مین اتکلم
قال اننا راضعین علی بعض
وف حکم الشرع إحنا إخوان

دويتو (حالة عشق)

الشاعر / ياسر عيد (شاعر الريف)

الشاعرة / إيمان صابر (قيثارة الأمل)

1 - إيمان صابر

رجوع الروح لجسماتها

بيشبه فُربى يوم مَنك

انا معرفتش اتحمل تكون فيا

ولا اوصلك

سجنت البوح فى شريانى

وانا ودينى بحبك حب اجبارى

ودا العادى
مافیش لو كلمة هتقولك
مفیش إحساس هیوصلك
خلاص منى
هتسانى وهتسيبنى
هتعشق حد غيرى كمان
هيبقى ما بينكوا احلى وصال
بتفسيرى هتبقى الخطوة لىك فدان
مفیش مخلوقة توصلك
متشبهلكش فى الأفكار

2 - ياسر عيد

وأسيبك ليه
ما أنا برضه كمان زايك
بحب الخطوه لو منك

تقربنى ولو ثانيه
دا انا روحى فى تكوينك
وكل ما فى عاشقينك
بالف الدنيا وأرجعك
ما انا منك
ودا لأنك
أميرة ومالكه إحساسى
ياتبراسى وتاج راسى
يا إلهامى
ياتبض بيحى أيامى

1 - إيمان صابر

باحضنك حتى فى كلامى وسلامى
وان يوم تفكر تخاصمنى
بلقا روحى طايره لىك

بلقى شوقى بيناديك
بشتهى كلمة بحبك
لو تقولها بشتريك
عمرى كله يبقى ليك
روحي لما تغيب بتفضل
فأكرة صوتك
والكلام اللى ما بينا

2 - ياسر عيد

حبيبتي ياليلي ونهارى
ياجنه باعيش فى أحضانها
شفايفك ديا أوتارى
كلامك عزف ألعانها
ياغنوة عشق موزونه
ووزن الشعر غار منها

ياتأشيرتى لسفر فيكى
ف سما روحك
و بحر عنيكى
دا كل مافيكى يشبهلى
وعطش حسى يندهلى
أروح ليكى فاتروينى
بماية ريفك الدافيه
عسل صافى
ف حبينى كمان أكثر
دا حبك ليا يكفينى
لو ابعده لحظه عن حضنك
يكون هو مدفينى

1 - إيمان صابر

حبيبى وصولى لىك رحلة

وحلمى إنى أكملها
وأوصلك واكون جنبك
شريكة عمرك الباقي
بناجى الطيف
فى لوحة عندى مرسومة
وفيهما عنيك
واكلمها وانادى عليك
فتسمحلى أحن إليك
حبيبى بوحي لك فكرة بوصلها
بشوق وحنين
واسيب أشواقى تسبقنى
تروح تناديك

2 - ياسر عيد

يانسمة شوق معاها باطير

فى جنة ليا انا لوحدى
ماليش فيها أى حدود
دا عشقك والله ما بيدى
يا إلهامى فى أشعارى
رسمتك صورته بين حرفى
بتشبعنى
وان تهت يوم انا عنك
شوقى بيكى يجمعنى
ما انا وانتى روح واحده
بيجمعنا
جسد واحد على نصين
دا انا لما يزيد قلقي
بتهدينى بحضن حنين
ما انا روحى راىحالك
وفين تلقى يوم غيرك

ما فيش منك حبيبتي اتنين

1 - إيمان صابر

حبيبي بروحي رايحالك

بجمع نبضى فى وريدى

كألك ليا يوم عيى

بسبب القلب يشتاقلك

وياسمع بس صوت نبضك

ولحظة م اشتهى التأويل

بيبقى كلمه لىك منى

صحيح الشوق كلام موصول

صحيح الحب كان ومازال

قصيدة بتتكتب عنك

2 - ياسر عيد

رسمت حروفى من ريقك
حبر معطر الكلمات
يابستان ورد فاح عطره
على الورقه فى سطورى
وفلترها من الهنات
دا عشقى ليكى بالفطره
مافيش تزويق
باعيش فيكى الأمل بكره
ياسجنانى فـ فضا روحك
وسجان على قلبك
ياحضن براح
بيبعد عنى أيها ضيق

1 - إيمان صابر

كيان واحد أنا وانت وبيننا كثير

بنشبهه بعض فى التفكير
فليه الشوق يعيش خواف
وايه المسموح فى لحظة شوق
سوى إنك بكلمه تبوح
هاعيش ازاي أنا بدونك
وافوت قلبك وتفكيرك
غرامك ليا كان ومزال
أمل وباعيش أنا أحلم بيه
فد قرب ليا واندھلى
بكلمه تضمنى لياك

2 - ياسر عيد

أنا جنبك
ورمشى ضله فوق منك
مقدرش أستغنى يوم عنك

دا انا راسم طريقى الجاى .. يكون بيكى
وشايف حلمى فى عنيكى
يا فجر لعمر تانى جديد
دا انا باتوضى من طهرك
وأصلبك لعمر مديد
وأنا معاكى
نعيش الحلم نتمنى
دا بين أحضانك الجنة

محتوى الكتاب

صفحة	المحتوى	م
2	بطاقة الكتاب	1
3	شكر وتقدير	2
4	الإهداء	3
5	رصاصه غدر	4
7	حاسك وانتي حساني	5
11	ضم إيدك ويا إيدي	6
14	الكلام على مين؟	7
17	زعلانه ليه؟	8
20	تهت مني	9
23	سينا	10
26	راجع نفسك	11
30	أصعب وقت	12
33	في حضرة العشاق	13

37	حلم في تابوت	14
40	مستغرب ليه ؟	15
43	مصر هاترجع	16
45	معنى الغرام	17
47	أعز الناس	18
50	الربيع	19
53	وش تاني	20
55	ياكلمة تايهه	21
58	انا مش ملكك	22
61	ماليش في الورد	23
67	ساكنه بيتنا	24
73	حكايات جدي	25
81	توبك داب	26
85	أغنية المعلمه مش بسهولة	27

88	أغنية توب الغلابة	28
89	أغنية عيال هفيه	29
90	الحياه جوا ميت	30
94	ملك الغابة	31
96	الراعي في خمسة باب	32
102	نبأ عاجل	33
106	ست الكل	34
110	إحنا اخوات	35
119	دويتو حالة عشق	36
130	محتوى الكتاب	37